

SEMINA JESUS KRISTUS AJA TI NYELAMAT

Iya deka ngadaka siku anak lelaki, lalu nuan deka meri Iya nama Jesus, laban Iya deka nyelamatka nembiaak Iya ari dosa sida. Matthew 1:21


Laban Allah Taala balat rinduka dunya, datai ke Iya meri Anak Tunggal Iya, ngambika genap iku orang ke arapka Iya enda mati, tang bulih pengidup ti meruan belama iya. John 3:16

Ku Jesus bejaku ngagai iya, Aku tu meh jalai, pemendar enggau pengidup. Nadai orang ulih datai ngagai apai, enti enda ulih Aku. John 14:6

Lalu pengelepas nadai mega bisi dalam orang bukai, laban nadai nama bukai di baruh langit ti udah diberi ngagai mensia, kena kitai nyelamatka kitai. Kereja Rasul 4:12

Laban keterubah iya aku madahka ngagai kita utai ti udah diterima aku: Kristus udah mati ketegal dosa kitai, munyi ti ditulis dalam Bup Kudus. Iya udah dikuburka, lalu diangkatka idup baru ba hari ti ketiga, munyi ti ditulis dalam Bup Kudus: 1 Korint 15:3-4

Dalam Kristus kitai udah ditebus ulih darah Iya, iya nya dosa kitai udah diampun, nitihka pengasih Iya ti besai. Epesus 1:7



And the gospel must first be published
among all nations. MARK 13:10

Bisi empat iti pemendar ti patut diperetika kitai enggau penuh:

1. Allah Taala balat rinduka nuan.

Iya deka nuan bulih pengidup ti meruan di serega begulai enggau Iya.

Laban Allah Taala balat rinduka dunya, datai ke Iya meri Anak Tunggal Iya, ngambika genap iku orang ke arapka Iya enda mati, tang bulih pengidup ti meruan belama Iya. John 3:16

Iya deka nuan ngembuan pengidup ti belimpah sereta bisi reti begulai enggau Iya.

Penchuri datai semina deka ngenchuri, munuh, enggau ngerusak. Aku datai ngambika sida bisi pengidup, lalu bulih pengidup ti lebih agi. John 10:10

Taja pia, mayuh orang enda ngasaika pengidup ti bisi reti sereta enda tentu nemu sekalika sida bisi pengidup ti meruan laban...

2. Mensia endang bedosa ari asal. Nya kebuah Iya beserara ari Petara.

Semua udah bedosa.

Laban semua orang udah bedosa, lalu nadai agi mulia Allah Taala. Rome 3:23

Laban pengerindu ke duit nya pun semua penyai... 1 Timoti 6:10 Upah dosa nya pemat.

Laban upah dosa nya pemat... Rome 6:23

Bup Kudus madahka dua bansa pemat:

- Pemat fizikal

Lalu laban mensia udah ditetapka mati sekali aja, tang udah nya deka diakim: Hebrew 9:27

- Pemat semangat tauka beserara belama ari Allah Taala ba neraka

Tang orang ke takut, ke enda arap, ke kamah, ke munuh orang, ke sundal, ke bemanang, ke nyembah engkeramba, enggau semua orang ke bula, deka bulih bagi sida dalam danau api enggau belerang. Pemandang 21:8

Enti mensia beserara ari Allah Taala ketegal dosa iya, nama chara mutarka penanggul tu? Kitai suah ngumbai chara mutarka iya nya: pengarap, pengawa ti manah, enggau ulah ti manah. Tang siti aja chara mutarka penanggul ari Petara.

3. Jesus Kristus aja jalai nuju serega.

Tu meh penerang ari Allah Taala.

Ku Jesus bejaku ngagai iya, Aku tu meh jalai, pemendar enggau pengidup. Nadai orang ulih datai ngagai Allah Taala ti Apai, enti enda ulih Aku. John 14:6

Iya mayar penuh ukum ketegal dosa kitai.

Laban Kristus mega udah mati sekali aja ketegal dosa, Iya ke lurus ketegal orang ke enda lurus, ngambika Iya ulih mai kitai ngagai Allah Taala. 1 Peter 3:18

Dalam Kristus kitai udah ditebus ulih darah Iya, iya nya dosa kitai udah diampun, nitihka pengasih Iya ti besai. Epesus 1:7

Iya bisi semaya pengidup ti meruan belama iya.

Barang sapa arapka Anak, bulih pengidup ti meruan belama iya. Lalu barang sapa enda arapka Anak, enda bulih pengidup. tang pengeringat Allah Taala meruan ba iya. John 3:36

Laban upah dosa nya pemat; tang pemer; Allah Taala nya pengidup ti meruan belama iya dalam Jesus Kristus Tuhan kitai. Rome 6:23

4. Kitai patut arap ka Jesus Kristus ngambika ulih diselamatkan.

Pengelepas kitai datai ari pengasih Allah Taala nengah pengarap ka Jesus Kristus.

Laban ulih pengasih kita udah diselamatkan ulih pengarap; Ukai ari pengawa kita, enggai ke orang temegah. Epesus 2:8-9

Laban barang sapa ngangauka nama Tuhan deka diselamatkan. Rome 10:13

Besampika tu enggau pengarap:

Tuhan Yesus, terima kasih mayuh laban Nuan rinduka aku. Aku ngaku aku tu orang ti bedosa lalu aku minta ampun ari nuan.

Terima kasih ke pemat i nuan ba kayu regang, pendam, enggau pengangkat nuan kena mayar semua dosa aku. Aku arapka Nuan nyadi Tuhan enggau Juruselamat aku. Aku nerima pemer i Nuan ti mer i pengidup ti meruan belama iya lalu aku nyerahka pengidup aku ngagai Nuan. Saup aku ngasika semua pesan Nuan, lalu ngerinduka ati Nuan. Amin.

Enti nuan udah arapka Yesus Kristus, utai ti di baruh tu udah nyadi ba nuan:

- Diatu, nuan bisi pengidup ti meruan belama iya enggau Allah Taala.

Lalu tu peneka Iya ke ngirumka Aku, ngambika genap iku orang ke meda Anak, lalu arapka Iya, bulih pengidup ti meruan belama iya, lalu Aku deka ngangkatka sida ari mati ba hari ti penudi. John 6:40

- Semua dosa nuan udah dibayar sereta diampun.

(maya ke udah, diatu, jemah ila)

Tang udah Iya ngenjuk piring sekali aja ke dosa belama iya, lalu duduk muak ari kanan Allah Taala. Hebrew 10:12

- Nuan tu utai ti baru ditempa Allah Taala. Nya meh pemungkal pengidup nuan ti baru.

Nya alai, enti orang udah dalam Kristus, iya nyadi mensia ti baru. peda kita, semua utai udah nyadi baru. 2 Korint 5:17

- Nuan nyadi anak Allah Taala.

Tang semua orang ke nerima Iya, Iya mer i sida kuasa nyadi anak Allah Taala, iya nya semua orang ke arapka nama Iya: John 1:12

Pengawa ti badas ukai jalai kitai diselamatkan, tang nyadika bukti tauka buah pengelepas kitai.

Laban kitai endang digaga Iya dalam Yesus Kristus, ngambika kitai ngereja pengawa ti badas, ti udah diletak Allah Taala kena kitai idup dalam pengawa nya. Epesus 2:10

Tuhan merkat ke nuan!